

古法新解 會元鍼灸學

◎手太陰肺經穴之部位及主治各症與新解左右共二十二穴

△中府

別名膺俞

在雲門下一寸六分。男即乳上三助間。女即動脈應手陷中可考。去中各開六寸是穴。肺之募。肺陰交經精氣之結募。經臟腑朝會出入之門戶也。經云針七分。灸五壯。

穴名新解。中府者。肺之絡繫。府者從陽。由內而達於外。又名膺俞者。膺膺之部。氣所過之俞穴。證各穴由胸而走手。溫灸可施也。

主治肺脹咳嗽。喘悶俠黃。肺悚肺系急。短氣結核。癭瘤等症。

△雲門在巨骨下去中行各開六寸。舉臂取穴。肥胖之人針七分。瘦小之人針五分。灸五壯。

穴名新解。雲門者。雲應氣也。上焦如霧。雲遇冷下降。遇熱升騰。而散走。門者司守之門戶。故名雲門也。

主治臂痛不開。舉手艱難。咳嗽吐血衄血。四肢及胸部發熱。煩悶脇徹背痛。癰癰結核等症。

△天府在肩內廉。舉臂用鼻尖點墨點。臥針隨經下取之。禁灸。灸恐肩中熱。針七分。

穴名新解。天府者。平肩與雲門相平。雲氣所聚象天。故名天府也。

主治肩中疼。中風目眩。肺結核。鼻衄自言見鬼。惡言瘡發寒熱諸症。

△俠白在肘上五寸。俠筋間。針三分。可灸。

穴名新解。俠白者。肺色白。俠於赤白肉筋分間。故名俠白。

主治俠氣在經絡客邪。肩臂痛風。濕臂結痺。氣逆嘔噦。惡心等症。

△尺澤在曲肘中橫紋。筋間空陷中。所入爲合水。生辛鹹。化氣辛溫。肺實可瀉。鍼五分。可灸。生意門針一寸二分。急症可刺出血。

穴名新解。尺澤者。尺卽寸關尺。澤爲水平。由寸口至尺澤爲一尺九分。至魚際爲一尺一寸。澤又象水。故名尺澤。

主治肩痛。手臂難舉。痛風汗出。表虛善噎。寒熱風痺。中風偏枯。喉痺咽痛。肢腫溫疫。肺脹勞熱。脊痛痠瘡。小兒急慢驚風。小便不利。霍亂嘔吐。腹痛可刺之出血。

△孔最在腕上七寸。側臂上內廉取之。性主宣通。針五分。灸七壯。

穴名新解。孔最者。最主要之孔竅也。肺氣通七竅最宜。起寸口上七寸。得諸經之氣。故名孔最。

主治肩臂疼。手不及頭。指不能曲握。肺閉鼻塞。咳嗽失音。咽痛經筋不通等症。

△列缺在腕上一寸半。高骨缺陷中。針二分。高手針一寸。灸七壯。

穴名新解。高骨下缺。位列經穴。而生奇絡。司肺細絡。肺陰生陽。至缺處而交手陽明。脈斜至陽谿。卽名反關脈。故高骨下缺。肺之絡。列穴。故名列缺。

主治中風口歪。半身不遂。手腕無力。掌熱牙疼。寒熱咳嗽。喘嘔沫。善笑失志。癰風面目四肢浮腫。肩痺背寒。

短氣胸不開。尸厥等症。

△經渠在高骨上內側陷中。去太淵九分。去尺澤一尺。針二分。禁灸。

穴名新解。經渠者。經長之溝渠也。陰陽所過如渠。故名經渠。

主治神虛肢倦。肺膨脹。掌熱欬逆。上氣傷寒。喉痺風寒濕傷腕臂。肩引內廉痛。中風等症。

太淵 別名 太淵

在手內側腕橫紋頭。平旦寅時陰陽脈會於此。每約二刻由此始運行於週身。肺脈所化爲俞土。脾胃原氣生金。萬物土化。皆能朝肺。（八會之一。有脈會太淵。）針二分。灸三壯。

穴名新解。太淵者。脈之大會。陽陰之繫統。淵源之出入。始於內而標於外。切其脈而知其形色。故名太淵也。其性能潤澤中。含有刺激開中有流束之意也。

主治肺寒熱咳嗽。煩悶失志。眼生白翳。目眩赤痛。手引缺盆痛。肩痛背痛。氣逆心疼。咳血嘔血。振寒狂言。溺變色。脈見濇象等症。

△魚際大指本節後。去太淵一分。散脈中赤白肉際。針三分。禁灸。灸則肺絡發炎。手太陰肺脈所留爲榮火。生味辛苦。而鹹。性能化能降。能束能解。而宣散。

穴名新解。魚際者。手大指內側。本節後如魚腹。穴在其邊際。故名魚際也。

主治咳嗽帶血。五臟氣亂。酒濕傷肺。舌苔黃感冒過經不解。溫病白喉。咳引尻痛。心痺自悲恐諸症。

△少商在大指內側。去爪甲角後一分。如韭葉寬。肺出井木。性能發泄。含有歛原之象。刺之出血最宜。不可

灸。灸恐發蛇眼疔。

穴名新解。少商者。陰中生陽。從少。五音六律。分工商角徵羽。從商。屬肺。肺金音商。肺經之根。故名少商。主治咽喉腫痛。心腕悶亂。五臟熱結。嘔噦霍亂。癰風。咳嗽紅痰。小兒感冒。內熱驚風。抽搐等症。

手太陰肺經穴終

◎手陽明循經各穴之部位。及主治各症。與新解左右共四十穴。

△商陽

別名絕陽

在食指內側。去爪甲角後一分。如韭葉許。大腸出井金。其性主辛而散。針一分可灸。

穴名新解。商陽者。商屬肺陰。大腸與肺內部油膜相連繫。氣脈相通。手足太陰陽明經絡相交。而分表裏。大腸經始屬陽金。故名商陽。又名絕陽者。或始陽之說也。因陽明爲闔。商陽爲一陽初始也。

主治心下痞滿。癰風停食。咳喘吐血。舌焦口舌生瘡。苔黃口苦。喉疼咽領腫。卒厥煤毒。牙疼背拘急。抽搐目青盲。手臂腫等症。

△二間

別名間谷

在食指本節前內側陷中。大腸脈溜爲榮水。辛鹹同化。性能清血散熱。解肌清表。針三分灸

三壯。

穴名新解。二間者。二者穴之次部。相交食指本節之節前。有間隙。故名二間。又名間谷者。筋骨隙空之間也。主治溫毒結喉。頰腫風寒閉而振齒。鼻衄手痛。中風口眼歪邪。急食難下。傷寒水結。癰風等症。

△三間

別名小谷

在食指本節後。內側陷中。大腸脉注俞木。辛酸相合。其性散中有收。金遇酸有軟堅之力。針

三分灸三壯。

穴名新解。三間者。手陽明之第三空處。即名三間。又名小谷者。小骨空竅而能傳達深遠。醫隱藏之疾邪也。主治喉腫身脹。骨梗咽喉齒疼。腸鳴洞瀉。唇風焦爛。口乾風淚。目疼。中風口歪。手臂麻木等症。

△合谷 虎一名口 在手大指岐骨間陷中。大腸氣脈之原。性能清陽走表。妊娠瀉之勿補。有清陽養胎之功用。

同之三陰交有安胎催生之力能。補三陰補有形之血。化生氣。生新血。以養胎。三陰交含酸甘鹹。有固陰之功。施治自無墜胎之患。所以補三陰交血旺。瀉合谷氣衰。應有妊之兆也。如臨盆難產可補合谷。以升九陽。胎自轉動。瀉三陰交。陰戶關竅皆開。陽氣一到。交骨失闔。胎自然順生矣。

穴名新解。合谷者。手大指次指開闔之處。兩手岐骨谷空。故名合谷。又名虎口者。手張之狀。其形大之如虎口之狀也。

主治關閉抽風。中風頭風。喉風食風。咽腫鼻衄。耳鳴耳聾。咳喘失音。禁口風。醫皮膚經絡諸症。妙在各穴配合相宜。變化無窮。

△陽谿 別名魁 在腕中上側。兩筋間陷中。大腸脈所行為經火。辛苦相合。化氣而散諸邪。針三分。可以灸。

穴名新解。陽者陽經之陽。谿者水也。小水溝而伏陽氣。故名陽谿。又名中魁者。水火藏其中。金性相殺。魁首之屬。又係腕中。

主治腕痛手腫。偏風不遂。氣逆狂言。喜笑見鬼。目赤爛翳。頭疼嘔沫。喉痹耳鳴。癰風痂疥等症。

△偏歷腕中上側後三寸。解曰。陽明之絡。從陽支絡相交於陰也。與手太陰有血絡。換氣通經。針三分。灸三壯。

穴名新解。偏歷者。偏走陽明之經絡。在扁臂之處。歷行陽明之陰絡。從氣分導氣化陰。導陰化氣。性能清陽明之衝血。以舒腦筋。與手足陽明之經筋。故名偏歷。

主治。瞤瞤目眈眈。腦熱齒痛。偏風傷手。耳鳴陽狂多言。咽乾肩手痠痛。臂癱。中風手不屈。腕無力等症。

△溫溜

別名逆注
又名池頭

在腕後五寸五分。大士去腕五寸。小士去腕六寸。明堂在大士小士間。針三分。可以灸。

穴名新解。溫溜者。溫爲熱之輕。溜者流而注也。如硫黃。上生溫泉。故名溫流。逆注陽金。返行注化硫黃質而發熱。池仗熱而灌溉谿。谿承溫而通池。濱海之發源也。故又名逆注。池頭之說也。

主治。經寒臂痛。腸明噦噫。膈氣閉結。寒厥頭痛。喜笑吐涎。肢腫吐舌。喉癰。皮膚風濕痂疥等症。

△下廉在曲池下四寸。臂上側輔骨下。脫肉分。針五分。可灸。

穴名新解。下廉者。廉是分肉側。內外兩片。下居者上廉之下。故名下廉。

主治。小便黃。便血痔瘡。偏風冷濕臂痹不遂。小腸氣不足。面無血色。痲痞腹如刀刺。腹脇脹俠臍痛。食難化。唇乾乳癰等症。

△上廉在曲池下三寸。針五分。灸五壯。

穴名新解。上廉者。廉是潔也。內廉外廉之間。陽明清陽之氣所會也。上廉鄰於肺。居上而通大腸。下廉鄰於

心包經絡。居上廉之下。而通小腸利小便。居下廉之上。故名上廉。

主治大腸氣虛。便難。小便不利。氣逆霍亂。齒疼。頰腫。手臂不仁。肘攣不伸。中風口眼喎。半身不遂等症。

△手三里在曲池下二寸。針五分。可灸。

穴名新解。三里者。針治逐邪。遠去三里之外。又去肘端三寸。臂之上側。在手臂部。故名手三里。

主治肝胃失和。中風半身不遂。四肢失用。牙疼。頸腫疼。瘰癧等症。

△曲池在曲肘橫紋頭。以手拱胸取之。大腸脉所入爲合土。其生味辛甘。其性能生新散邪。功行六陰之數。善解氣分諸毒。從陽走於手足六陰也。針五分。可灸。生肌針一寸二分。治肘攣不開。

穴名新解。曲池者。曲者曲肘之處也。池者陽經有陰氣所聚。陰陽通化。治氣分亦能養陰。故名曲池。

主治經血不通。癰節風腫。時疫發燒。咽腫目赤。翳膜。瘡毒瘰癧。肺氣結核。週身生瘡腫痛。傷寒肢節重疼。中風半身不遂。咳嗽股寒。肝瘋抽搐。麻木不仁。週身痲疥。胸悶急鬱。目迎風淚。頭風作痛。繞踝風疼。筋緩不收。肘細抽骨勞風。勞。噎咳肺勞咳血。初起肢厥衝閉。風水腫脹。水溢經絡結核。經筋脹痛。毒傳經等症。

△肘髃在曲肘外大骨下。肘尖上側是穴。針三分。可灸。

穴名新解。肘髃者。是兩臂灣曲之處。髃者。骨之邊髃。故名肘髃。

主治瘰癧癰瘤。胎。肘節風痺。注疼。風勞肘攣。麻木不仁。氣逆衝目。徹臂肩痠疼難忍等症。

△五里在肘上三寸。陰陽交脉處。素問禁針。診治逐邪去三里之外。致五里之程。諺云。窮寇莫追。恐在陰陽。

又路。妨害正經也可灸。

穴名新解。五里者。五是五臟之陰而朝陽。里是數學之理。故名五里。

主治風勞吐血。咳嗽肘臂痛嗜臥。風痺四肢不移。腕脹黃疽癰癰。目不明。常見此處有摔傷肉向外骨陷。折向外。打傷骨肉均下陷。附此經驗。

臂臑在肘上七寸臑肉端。肩髃下兩筋骨罅中。按之陷處宛宛。舉臂取之。手陽明之細絡。手足太陽陽明之會。衛氣從肺衣陽維出肺經。杖臑絡會此。針六分可灸。

穴名新解。臂臑者。肩膊前廉臑肉之處。下交於臂。故名臂臑。

主治偏風不遂。寒熱臂痛。項背拘急。癱瘓等症。

△肩髃 別名中肩 又名偏肩 在膊骨肩端。髃骨之下。兩筋骨罅間。陷者之宛宛中。舉肩取之。手陽明陽蹻脈會此。針

七分可灸。不宜灸多。多恐臂細。

穴名新解。肩髃者。肩是肩部。髃是髃骨部。肩端髃骨與髃骨。舉肩如魚嘴開張之狀也。肩端骨又名魚骨。故名肩髃。又名中肩者。穴居肩中。又名偏肩者。偏三陽之上。肩端之下也。

主治癱節風疼。兩足疼。腿串疼。咳嗽腰疼。肩臂四肢疼。濕毒溫毒。氣鬱肝氣傳。經中風半身不遂。瘖不能語。瘖風骨節筋攣。癰疹不出。顏色枯焦。風泄精。肢癱腰強疼。胯墜。咳嗽失音短氣。氣癰癰癰。牙疼頭痛。作鷄聲。此穴有升陽散火之功。清氣宣痰舒經和絡而開胸。室女婦人經血不通。氣血滯。脇肋連背串痛。肝氣纏胃。

不解。癱木慢性中風。上部一切諸症。十二經穴配合皆收功。

△巨骨在肩端上行兩叉骨罅中間陷中。手陽明陽蹻脈會此。針一寸二分。可灸。

穴名新解。巨骨者。巨者長而大也。大骨叉間。故名巨骨。

主治氣喘胸悶。喘不能臥。濕熱蒸肺。氣冲作喘。痰壅不下。驚癇臂疼。胸中淤血。肩痛難舉。功能降逆破血。開痰推蕩胸隔諸邪注中脘。逐胸痞出肋部。氣虛神弱者勿針。

△天鼎別名。天蓋頸之缺盆上。直扶突後一寸。天突後五寸。針三分可灸

穴名新解。天鼎者。肩之上謂之天部。兩手陽明至肩上托頭矗立。如鼎之狀。故名天鼎。天蓋者。天盤謫謫如蓋。故又名天蓋。

主治失音。喉疼咽疼緊。飲食難下。咳嗽唾涎沫。頭項強疼等症。

△扶突別名。水泉在天突後四寸。曲頰下一寸五分。仰而取之。針三分壯

穴名新解。扶突者。扶者扶也。突者卒跳也。故名扶突。胃水滿則扶突跳動不休。又因金能生水助腎。通金津玉液。故又名水泉也。

主治口乾多唾。食道狹窄。呼吸口中及喉中如水鷄聲。氣哽中風涎出。中風口歪。咽喉腫痛。舌木頰腫。瘰癧等症。

△禾髎別名。長顙在鼻旁俠水溝旁五分。手陽明脈氣所發。針三分壯

穴名新解。禾髻者。禾是經含生氣如禾苗之茂。在骨之邊。故名禾髻。鼻旁起處。如顙之新。長於面也。故又名長顙也。

主治中風口歪。牙疼鼻瘡。鼻生息肉。牙尖暴長。鼻塞不聞香臭。鼽衄尸厥。口禁唇風火燎疼。唇破出血。目系火疼等症。

△迎香在禾髻上一寸。鼻孔下。旁五分是穴。手足陽明之交會。針三分。禁灸。灸則鼻生息肉。

穴名新解。迎香者。迎者應遇。香者芳香之味。香氣近鼻無知覺。刺之即知。又因足陽明宗氣所和。開竅於口。脾味香。故名迎香。

主治鼻塞塞不聞香臭。偏風口歪。面浮腫風動。痲如虫行。目系與牙腺疼。唇風腫疼。鼻塞作鼽衄。鼻瘡鼻生息肉。骨體風腫。目黃等症。

手陽明經穴終

◎足陽明胃循經各穴之部位。及主治各症與新解。

左右共九十穴

△頭維在額角髮際內。神庭旁四寸半。本神旁一寸五分。足陽明少陽二脈之會。素註針三分。禁灸。灸則傷腦筋。手足陽明燥熱。灸火引動三陽火發而心亂。故此禁灸。

穴名新解。頭維者。手足陽明主司事治化有維之用。至頭維而終致無維。動極思靜。靜極思動。頭部維護手足陽明之會。故名頭維。

主治頭痛目疼。目風瞤動。風淚偏頭風痛。目赤視物不明。中風口眼歪邪。牙疼腦疼等症。

△下關在齊耳下前一寸。開口穴合。閉口空處。動脈是穴。針三分灸三壯

穴名新解。下關者。因牙關分上下二處。上關即客主人。下者下片部也。牙關是開闔之機關。屬下故名下關。手足陽明脉會此。

主治牙車脫臼。中風口歪。牙疼齒內腺疼。耳生瘡。牙齦腫。牙宣出血。開口以三棱針刺患處以鹽湯漱之。即不畏風矣。

△頰車別名機關又名曲牙在耳下八分陷中。曲頰端近前。針三分可灸。

穴名新解。頰車者頰是耳下牙骨也。兩頰如車之有轄。即名頰車。機關者是口開闔之機關也。曲牙者耳下八分牙盡處有曲也。

主治下牙疼。口噤不開。骨體風腫。中風口歪。溫毒發頤。面風浮腫。咽喉腫痛。水腫脛強。瘰癧等症。

△承泣目下七分針灸均不宜。如目腕無所見。眼黑暗無光者。可針。直瞳子針之。不過三分。足陽明陽驕脈之會。

穴名新解。承者承目之網。泣者目之酸處淚出也。故名承泣。

主治目眵無所見。項目相引。口眼歪邪。口不能言。而葉葉擗動等症。

△四白在目下一寸。直瞳子正視取之。針三分。灸七壯針不可太深深則令人目暗

穴名新解。四白者。四是面之四方易見之處。白者目下明白也。又與目之白輪相近。肝之開竅於目。至期門

化氣。由足陽明直通目中。化光色白。故名四白。

主治目暗頭痛。目赤疼。澀淚目痒。口眼歪邪。目系痛等症。

△巨髎在俠鼻孔旁八分。平水溝手足陽明陽蹻脈。針三分灸七壯

穴名新解。在權大骨下之邊髎。故名巨髎也。

主治中風口歪。牙疼頰腫。面風腫。面風作抽。目生障翳。鼻腫鼻漏。招搖視瞻。腳氣膝腫等症。

△地倉在俠口吻角旁。平四分動脈是穴。手足陽明陽蹻脈會此。銅人針三分。得氣卽瀉。灸二七壯。至七七壯。

穴名新解。地倉者。地是地格。因面分三庭。鼻以上爲上庭。鼻爲中庭。鼻以下爲下庭。合而爲天人地。三格局也。倉者倉廩也。五穀之精氣上華面兮。衝旋面至此而上。故名地倉。

主治中風口歪邪。臥針透頰車。正針主飲水不收。胃部生蟲。面風目潤動。瞳子痒。遠視不明。昏夜無見。口歪左瀉右。歪右瀉左。此穴如針灸過力。可灸承漿卽解。

△大迎在曲頰前一寸二分。去中行各二寸。骨陷中動脈是穴。針三分灸三壯。

穴名新解。大迎者。大是大衝脈也。迎者迎其氣血精液之來也。故名大迎。

主治禁口風。頰腫唾涎。牙痛癰癰。中風口歪。舌強難言。風壅面浮腫。目痛耳痛等症。

△人迎別名五會頸大筋大脉應手動處。俠結喉各一寸五分。五臟之氣宗合候此。以榮脉養經筋。足少陽陽明

之會。禁針。明堂針三分。

穴名新解。人者人之宗氣合穀精以養先天造物之機能。五臟之氣衝來所會。而收穀精以養五臟之原。使清陽之氣。混合養氣衝來。走少陽養筋。還胃以安宗筋。古人以左爲人迎緊盛者傷寒。右爲氣口緊盛者傷食。今以左右手寸口分之。正所謂其系總也。傷寒係天外之邪傷食係陰積之邪。胃之經絡又係行腹之正。在腹兩旁。面之側。以傷寒論之。正所謂司半陰半陽也。從陽入陰。從陰走陽。故此名人迎。又名五會之說也。又言禁針者。恐針深傷五臟氣也明堂只針三分。

主治吐逆不息。霍亂痧毒膨胸。氣滿。咽痛喉腫。氣短喘息不得臥。喉中鳴。胸肺不舒等症。

△水突別名水門在頸大筋氣舍上人迎下。是穴。針三分。可灸。

穴名新解。水突者。水是水也。突是倉卒而來。夫人飲水下嚥。此穴必突而上也。胃伏寒水。此穴必跳動不休。故名水突。此通胃津液之官。司水津之出入。故又名水門也。

主治欬逆上氣。咽喉腫疼。氣短喘息不得臥。喉中鳴。肺胸不舒等症。

△氣舍在頸直人迎下俠天突陷中是穴。針三分。灸三壯。

穴名新解。氣舍者。氣是胃氣舍此而上。經絡也。故名氣舍。

主治喉腫項強。癰癰等症。

△缺盆別名天蓋在肩下橫骨陷中是穴。針三分。可灸。禁深刺。深則氣逆作喘。

穴名新解。缺盆者。盆骨下缺處。故名缺盆。又名天盖者。肩盤象天之蓋下。經氣衝至而蓋開。故又名天盖。主治氣逆息難。喘咳息奔。喘息胸滿。水腫癰癰。喉痺自汗。寒熱往來。缺盆腫潰。熱滿胸中。傷寒淤熱結胸。肩連乳疼不開。胸背拘急。不能屈伸等症。

△氣戶在璇璣旁。各開四寸。俞府旁二寸陷中。是穴。針三分可灸。

穴名新解。氣戶者。針巨骨手陽明之氣。下降氣戶。而下腕痞。因手陽明主氣。足陽明氣血俱多。氣戶者交經氣出入之戶口。降逆振肝之俞。又係肺之上部。肺主氣。手陽明爲肺之府。氣逆過氣戶。卽冲巨骨。故有氣在肩背則肩背刺疼。此穴實與五臟之氣相通。故名氣戶。

主治胸氣逆滿。胸痞喘急。食飲無味。胸肩刺疼。氣水作腫。胸連脇氣脹。呼吸不至息。喉痺汗出。肝抑咳嗽。溫毒入肺吐濃。逆氣冲肺吐血。濕溫氣鬱膨肺。吐濁沫。氣滯濕淤噎塞。嘔逆等症。

△庫房在氣戶下一寸六分。去中行各開四寸。或中旁各二寸。陷中是穴。針三分。灸五壯。

穴名新解。庫房者。庫是血津液之儲庫。房者近乳房也。婦人生子無經血。其原陰衝至臍中化氣。而津液注庫房。過屋翳。走膺窗。而通乳汁。故名庫房也。

主治婦人乳汁不通。乳瘡乳痛。胸脇氣滯血壅。滿悶。唾濃血。嘔沫等症。

△屋翳在庫房下一寸六分。去中行各開四寸。神藏旁各開二寸。陷中是穴。針四分。灸五壯。

穴名新解。屋翳者。因乳房隆起如屋。翳者如屋之頂蓋。故名屋翳。

主治血痰流飲。身體腫痛。不能近衣。淫瀝瘰癧不仁等症。

△膺窗在屋翳下一寸六分。去中行各四寸。靈墟旁各開二寸。針三分。灸三壯。

穴名新解。膺窗者。膺是肩臂連胸之膺。窗是孔窗竅也。足三陰由胸走手之經孔。又係婦人通乳之孔竅。故名膺窗。

主治胸滿脹。乳閉乳癰。痰濕淤塞。經絡不通。胸寒熱等症。

△乳中當乳中是穴。去中行各四寸。神封旁各二寸。針三分。禁灸。大成云。灸則生蝕瘡。有濃清汁可治。有息肉若蝕瘡痛者死。素問云。刺乳房爲腫爲蝕。丹谿曰。乳房陽明胃所經。乳頭厥陰所屬。乳子之母。不知調養。忿怒所致。逆鬱所過。厚味所釀。以致厥陰之氣不行。竅不得通。汁不得出。陽明之血沸騰。熱甚化膿。亦有乳子膈熱滯痰。口氣熅熱。子含乳相接。熱氣吹乳孔。阻氣結核。初起須令忍痛。用手揉之。稍軟。令汁出透可消。如已成癰癰者勿揉。可灸。又方用葱煑熟。用淨手巾包好。慢慢放患處。候冷卽另換熱葱包汗出卽消。如買葱少。可用熱葱放患處。以新手巾蓋之。用壺盛開水蒸調之。水冷再換。每日三四次。卽愈。或同服大當歸兩金艮花兩生黃耆錢五川芎錢四淨乳香錢三沒藥錢三生甘草錢四川牛夕錢三如成濃加川山甲皂角刺錢各二服

穴名新解。乳中者。是乳之正中也。

主治憂怒思鬱。脾氣肝氣橫逆結核。不痛不癢。十數年後爲瘡。陷破後。嵌凹似穴。取瘡名爲乳岩。久則不治。若當始生時能消。欲息病根。須心清神安。然後醫治。或可得痊。久則不治。

△乳根在乳下一寸六分。去中行各四寸。仰而取之。在步廊旁二寸。針三分灸五壯。

穴名新解。乳根者乳房下之根結也。故名乳根。

主治胸下滿悶。胸膈氣痛。噎食痰血淤塞。手臂腫痛。乳疼乳癰。心覺悽慘。寒疼不可按。抑咳氣逆。霍亂宗筋轉痛。四肢厥逆等症。

△不容在幽門旁一寸五分。去巨闕旁各三寸。灸五壯針五分。

穴名新解。不容者。在膈微下。證胃之氣滿。不容濁氣薰蒸五臟也。故名不容。

主治濁熱濁痰。腹滿痞痞。吐血肩脇痛。口乾心胸背相引如束縲。胃痛不思食。腸虛鳴。疝瘕衝逆。胸結核等症。

△承滿在不容下一寸。去上脘兩旁各三寸。通谷旁一寸五分。針三分灸五壯

穴名新解。承滿者。胃食而氣至腸部。食滿後而氣復滿於胃。食即下。承滿是承胃氣之滿。推陳而至新。故名承滿。

主治脘結痞悶。肝胃氣逆。腸鳴腹脹。喘逆飲食難下。濕熱蒸膈肺。肩息唾血等症。

△梁門在承滿下一寸。去中脘旁各三寸。陰都旁一寸五分。針七分灸七分

穴名新解。梁門者。心下痞悶如伏梁。即梁門橫結陰氣。心火降而不下。水火未能既濟。又因胃之中部。痞肉結處。故名梁門。

主治脇下積痞。氣水凝結。大腸溏瀉。元穀不化。寒濕鬱胃。濕傷胃口。作木瘞。噎膈氣逆。毒滯等症。

△關門在梁門下一寸。去建里旁三寸。石門旁一寸五分。針八分。可灸。胃之下部。腎陰之氣至此。鹹能軟堅。而開胃下口。胃之下口。即小腸之上口。

穴名新解。關門者。胃氣出入食下之關。胆汁入胃助消化而潤腸之門。故名關門。

主治胃痞氣積。結滯淤塞。腸空鳴卒痛。瀉痢俠臍痛。身腫痰瘧振寒。遺溺寒痞等症。

△太乙在關門下一寸。去下脘旁三寸。石關旁一寸五分。針八分 灸五壯

穴名新解。太乙者。胃之形大如太乙之狀。胃之宗氣亦衝上至承滿。斜衝上乳部。左衝右。而右衝左。驗乳絃疝氣。從右自乳下衝。而逆走左部。至少腹作聲而結核。此胃與宗氣在腹部如乙之出。而直行於經絡。故名太乙。

主治顛狂。煩心吐舌。疝氣結核。助水分極能分清別濁。衛氣營化水而樞瀉之。肝氣衝胃。腎寒命不舉火。石質上翻不得便等症。

△滑肉門在太乙門下一寸。去水分旁各三寸。商曲旁各一寸五分。針八分。可灸。

穴名新解。滑肉門者。滑是光滑。肉是肌肉。門是門戶也。胃下附腸部有輭肉生質。而滑潤胃腸口門。故名滑肉門。

主治糞結發狂。濁逆嘔吐。反胃吐臭。酸腥惡味等症。